



ՊԱՇՏՈՆԱԿԱՆ ՀԱՂՈՐԴԱԳՐՈՒԹՅՈՒՆ

Նորին Սուրբ Սծություն Տ. Տ. Վազգեն Ա. Ամենայն Հայոց Կաթողիկոսի նրավերով, դեկտեմբերի 8—11 օրերին, Մայր Աթոռ Ս. Էջմիածնում հյուր էղավ Համայն Վրաց Պատրիարք-Կաթողիկոս Նորին Սրբություն Եփրեմ Բ-ը:

Վրաց Պատրիարք-Կաթողիկոսին ողջկցում էին գերաշնորհ Տ. Դավիթ արքեպիսկոպոսը, Վրաստանի ռուսաց առաջնորդ գերաշնորհ Տ. Զինովի եպիսկոպոսը, Վրաստանի հայոց առաջնորդ գերաշնորհ Տ. Կոմիտաս եպիսկոպոսը, Թբիլիսիի վրաց Ս. Սիոն Մայր եկեղեցու ավագերեց, արժանապատիվ Տ. Ալեքսանդր Բաճանյան և Վրաստանի հայոց քեմական խորհրդի անդամ պր. Սուրեն Ավչյանը:

Հայաստանում գտնված ժամանակամիջոցում հյուրերը դիտեցին Երևանի և Էջմիածնի տեսարժան վայրերը, այցելեցին Ս. Գեղարդի վանքը, ծանոթացան Մայր Աթոռի և Հոգևոր Ճեմարանի կյանքին:

Կիրակի, դեկտեմբերի 10-ին, Մայր Տաճարում մատուցվեց հանդիսավոր սուրբ պատարագ: Ապա եղավ ընդունելություն Վեհաբանում: Այնուհետև, ի պատիվ հյուրերի, Ճեմարանի դահլիճում տրվեց ճաշկերույթ:

Վեհաբանում Վազգեն Ամենայն Հայոց Կաթողիկոսը և Եփրեմ Բ. Համայն Վրաց Պատրիարք-Կաթողիկոսը, ջերմ և սրտագին մրնուրտում, մտքերի փոխանակություն ունեցան եկեղեցական հարցերի շուրջ և մի անգամ ևս ընդգծեցին աշխարհի խաղաղության ամրապնդման գործում քրիստոնեական եկեղեցիների գործունե մասնակցության անհրաժեշտությունը:

ԴԻՎԱՆ ՄԱՅՐ ԱԹՈՌԻ

16 դեկտեմբերի 1961 թ.

Ս. ԷՋՄԻԱԾՆ

